

CONVENIO DE COLABORACIÓN ENTRE A CONSELLERÍA DE CULTURA, EDUCACIÓN E UNIVERSIDADE DA XUNTA DE GALICIA E A FUNDACIÓN BOTÍN, PARA A IMPLANTACIÓN DO PROGRAMA "EDUCACIÓN RESPONSABLE: PROGRAMA PARA O DESENVOLVEMENTO DA EDUCACIÓN EMOCIONAL, SOCIAL E DA CREATIVIDADE"

### **MEMORIA XUSTIFICATIVA**

O secretario xeral da Secretaría Xeral de Educación e Formación Profesional da Consellería de Cultura, Educación e Universidade,

#### **DECLARA:**

Que a Consellería de Cultura, Educación e Universidade ten previsto formalizar coa Fundación Botín, o instrumento convencional arriba referido por un período de vixencia que abrangue dende o día seguinte á data da súa sinatura e terá duración ata o remate do curso académico 2021-22, sendo prorrogado automaticamente por cursos académicos sucesivos, salvo denuncia expresa dunha das partes asinantes e cunha notificación á outra de dous meses de antelación.

Que o instrumento convencional ten por obxecto establecer as condicións da colaboración entre a Consellería de Cultura, Educación e Universidade e a Fundación Botín, facilitando a aplicación e integración do programa Educación Responsable co fin de dar resposta as necesidades e demandas do sistema educativo.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamentan no seguinte:

1. Que a Consellería de Cultura, Educación e Universidade é o departamento da Xunta de Galicia ao que lle corresponden as competencias e funcións en materia de planificación, regulación e administración do ensino regrado en toda a súa extensión, niveis, graos, modalidades e especialidades.



Que a Consellería de Cultura, Educación e Universidade considera un dos piares fundamentais dun sistema educativo de calidade permitir que todo o alumnado poida lograr o máximo desenvolvemento persoal e a súa integración social, sendo necesario, para este fin, contar con toda a comunidade educativa así como coas entidades, asociacións ou entidades sen ánimo de lucro que adiquen os seus esforzos a esta finalidade.

Neste sentido, tanto na normativa educativa estatal, impulsada pola Lei Orgánica 3/2020, do 29 de decembro, pola que se modifica a Lei Orgánica 2/2006, do 3 de maio, de Educación. como no desenvolvemento curricular estatal e da Comunidade Autónoma de Galicia, faise explícita a configuración curricular competencial que require a combinación de habilidades prácticas, coñecementos, motivación, valores éticos, actitudes, emocións e outros compoñentes sociais e de comportamento para lograr accións eficaces.

2. A Fundación Botín está recoñecida, clasificada e inscrita polo Ministerio de Educación e Formación Profesional como fundación cultural persoal e ten como misión xerar desenvolvemento económico, social e cultural. Para isto intervén, entre outros ámbitos, na educación, impulsando formas novas de potenciar o talento e contribuír ao avance da calidade da educación. Concretamente, desenvolve o programa Educación Responsable, co fin de introducir a intelixencia emocional e social e o desenvolvemento da creatividade nas aulas para optimizar a calidade da educación e promover o crecemento saudable de nenos e nenas, proporcionando ao profesorado e ás familias os coñecementos e ferramentas necesarios para desenvolver neles as capacidades, actitudes e habilidades que lles permitan ser autónomos, competentes, responsables e solidarios, contribuíndo de maneira directa ao avance do clima de convivencia nos centros escolares. O programa Educación Responsable recolle as liñas de actuación da Fundación Botín no ámbito educativo.

En atención a estas consideracións, as dúas institucións teñen a vontade de sumar os esforzos que realizan no campo do desenvolvemento emocional e social do alumnado coa finalidade de lograr un ensino de calidade a través da mellora do clima escolar, da convivencia e consecuentemente do rendemento académico .





Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asino esta memoria en Santiago de Compostela na data da sinatura dixital

José Luis Mira Lema

